

Balea común

Outros nomes:

Ballena o rorcual común (ESP)

Zere arrunta (EUS)

Baleia-fina (POR)

Fin whale (ENG)

Finhval (DAN)

Rorqual commun (FRA)

Finnwal (DEU)




Características

Corpo moi esvelto e cabeza puntiaguda. De 17 a 24 m de lonxitude corporal. As súas barbas, entre 260 e 480, son na súa maioría de cor escura escura, excepto no maxilar dereito, donde as da parte anterior son brancas ou amarelas. O patrón de coloración desta especie é asimétrico, presentando a mandíbula inferior branca no lado dereito e cincenta no esquerdo. Os sucos da gorxa, entre 50 e 100, chegan ao embigo.


A madurez sexual acontece cando acadan unha lonxitude de 17-18 metros e aproximadamente uns 6-12 anos de idade. Os partos prodúcese no inverno, tras un período de xestación dun ano. O baleato, que é aleitado durante 6-7 meses, mide ao nacer uns 6,5 m.

Aliméntase de pequenos crustáceos, krill, e peixes pequenos que forman bancos, como os arenques. Nas zonas de alimentación pódense congrega numerosos exemplares. Na captura de alimento poden colaborar varios animais, que xuntos lánzanse coa boca aberta sobre as presas.

Surtidor e serie de inmersión




Viaxa en grupos pequenos de 3 a 7 exemplares, aínda que en zonas de alimentación poden reunirse ata un centenar de individuos. Cando sae respirar, asoma en primeiro lugar a cabeza seguida do espiráculo, producindo un charfariz semellante a unha columna vertical, duns 5-6 m de altura, que é visible a máis de 3.000 metros de distancia. Cando realiza a inmersión, a aleta caudal non se amosa fóra da auga.



Especie cosmopolita, presente nos principais océanos do mundo. En xeral prefere augas tépedas ou polares. Con frecuencia obsérvase en augas profundas pero tamén próximas á plataforma continental. As súas migracións seguen a mesma pauta que o resto dos grandes cetáceos, realizando migracións Norte-Sur, buscando augas frías e ricas en alimento durante o verán.

Balea intensamente sobreexplotada no século XX polas flotas baleeiras de todo o mundo. Entre as factorías españolas e portuguesas cazáronse de 1921 a 1984 case 11.500 exemplares.

No ano 1985 a Comisión Baleeira Internacional abriu a moratoria da caza para todo o mundo, con excepción de Islandia e Noruega que, rompendo o acordo, seguiron capturándoa no Norte de Europa.



Situación de protección

A **Directiva Hábitat (92/43/CEE)** da UE, **relativa á conservación dos hábitats Naturales e da Fauna e Flora Silvestres**, nace como contribución da Unión Europea ao Cumio de Río para a conservación da biodiversidade (1992). Esta Directiva baséase por unha banda na designación de áreas de interese para as especies, denominada Rede Natura 2000, e no establecemento dun réxime común de protección para as especies estritamente protexidas.

No Anexo II recóllense as Especies animais e vexetais de interese comunitario que precisan da designación de zonas especiais de conservación. Entre estas especies figuran varias especies de cetáceos.

A transposición desta normativa á lexislación española e autonómica dá lugar á inclusión da especie na categoría de protección de **Vulnerable**, o que obriga á posta en marcha de Plans de Conservación.



Fotos: © CEMMA

Ameazas

Esta especie sofre as ameazas das actividades humanas:

Captura accidental en faenas pesqueiras

Contaminación química e acústica

Destrución do hábitat

Sobrepesca

Acoso e persecución por embarcacións de recreo

Impacto da navegación

A análise das ameazas, e a súa incidencia, indica que é necesario a rectificación das mesmas, eliminándoas ou minimizándoas, para garantir a supervivencia e bo estado da especie.

Proxecto para a conservación das especies de cetáceos

Para a posta en marcha dos **Plans de Conservación** das especies de cetáceos protexidas, necesítase unha recompilación de información mínima relativa á ecobiología básica dispoñible da especie, parámetros mínimos de información comportamental, ameazas potenciais e ao establecemento de medidas de conservación. Para iso lévase a cabo o proxecto: **Bases para o desenvolvemento dos plans de conservación das especies de cetáceos protexidas na "Demarcación mariña noratlántica"**.

Ten como obxecto a realización dun completo catálogo recompilatorio de información das especies de cetáceos incluídas no Real Decreto 139/2011, de 4 de febreiro, para o desenvolvemento da **Listaxe de Especies Silvestres en Réximen de Protección Especial e do Catálogo Español de Especies Ameazadas**, que están presentes no Norte Peninsular, de Galicia a Euskadi, así como nas augas da Zona Económica Exclusiva do Estado Español no Noroeste e Golfo de Biskaia, das que se teña información.

Este proxecto impulsado por **CEMMA-INT** conta coa colaboración de todas as entidades ambientais que traballan en cetáceos do Norte: **AMBAR, CEMMA, CEPESMA, e EIBE**, contando ademais coa colaboración dos máis importantes investigadores do Sur de Europa.

Organizan:

CEMMA-INT
www.cemma.org
localcemma@arrakis.es

AMBAR
www.ambarcetaceos.com/

CEPESMA
www.cepisma.org

EIBE
www.eibeh.org



Con la colaboración de:



Diseño e maquetación: ASTROPENTA MEDIO AMBIENTE SL. Fotos: © CEMMA. Idea original © CEMMA-INT. Imprime: . DEP. LEGAL:

Balea común

Balaenoptera physalus

